

《中國地方藝文薈萃》總委會 編

學苑出版社

中國地方藝文薈萃

詩歌卷·第七輯 卷

華東卷·第七輯

叁

中國地方藝文薈萃

《中國地方藝文薈萃》編委會 編

貴州師範學院內部使用

甬上耆舊詩三十卷（三）

贵州师范学院内部使用

甬上耆舊詩三十卷（三）

（清）胡文學（清）李鄴嗣輯

據清康熙十五年（一六七六）胡氏敬義堂刻本影印

用古者舊詩卷十二

後學湖文學輯選

李鄴嗣以傳

大理寺卿蔡公錫

一首

太子少保刑部尚書陸康僖公瑜

二首

副都御史陳公濂

一首

刑部右侍郎楊公茂元

一首

禮部右侍郎豐白菴先生熙

二首

少保兼太子太保吏部尚書聞莊簡公淵

一首

通政余南湖先生木

一首

僉都御史汪公玉

一首

蔡廷尉以下八公其名德猶之文懿文定九先生也而俱不以詩鳴後人能得其一言卽有鼎呂之重今合所錄爲一卷

○大理寺卿蔡公錫

字廷宇永樂中舉于鄉在太學仁宗詔擇國子生有學者吳信等六十人命翰林院嚴試之拔其尤者二十人充近侍官公與焉授兵科給事中彈劾不避權貴中朝憚之出知泉州府性勤于吏事剗剔宿弊日爲民樹長畫脩起學舍均徭役奏除洛陽中山大橋三戍公私使之尤善摘伏郡中盜賊無跡時洛陽橋壞發故石有刻文云石頭若開蔡公重來橋故宋

太守蔡襄所建公來守郡適同姓遂議脩之然橋本
跨海無所施工公患之乃自爲文檄海神募能賫往
者忽一醉卒踉蹌而前曰公但飲我善酒我能賫檄
往遂益飲大醉臥于岸上放恣若出沒海中遂持檄
還上判一醋字公意曰是期我八月廿一日也卽以
是日舉工潮旬餘不至工遂成郡人爲立祠配享端
明遷山東副使叅贊宣府軍務以功晉順天府丞再
遷大理寺卿湖廣大飢公奉勅往撫設法賑卹所全
活數萬家具肖公像祀之尋乞骸骨歸蕭然圖書無
長物至不給饋粥有草堂在小白河干去城五十里
公欣然自吟嘯其中晏如也所著贊山稿

重脩洛陽橋事後傳奇家併屬之蔡端明人不知有
四明蔡公也幸張大司馬一正之周櫟園再正之

卽事

驅石重看鴛海成天吳蹋浪不須驚夜來新月山頭落有
客醉從橋上行

○太子少保刑部尚書陸康僖公瑜

字廷玉號省菴年十四爲名諸生弱冠中進士授刑
曹奉命出錄兩淮江南北十七郡獄叅錯訊鞫務得
平所釋繫囚三百餘人改從輕比者千餘人歷憲郎
中以才望擢爲山東布政使齊魯大飢民相聚鬪取
富人粟監司坐強劫當死公曰民苦飢攘粟以免道

確耳奚更殺之改從槍奪例俱得免英廟初復辟
李文達公賢時爲上言公才及刑部尚書闕朝議數
擬以進俱不許遂徵拜公及陛辭上語左右曰國家
持刑得人矣公先在刑曹于格律輕重盡若披掌凡
有大獄諸曹不能決先質于公公曰某年某所獄類
此○可○比○擬○曹○吏○發○故○牒○視○之○不○少○差○時○門○達○沿○錦○衣
獄用法酷弘農衛卒誣指揮李斌謀反事下達煨煉
具獄會廷議公獨言其寃達怒語侵公公曰瑜所執
者祖宗法耳柰何枉人至族耶達奏公庇反者上不
聽爲赦斌妻子未幾達敗言者俱欲置之矣李文達
以質公公曰達典制獄任情輕重是其罪然跡紀綱

馬順則有間矣。達卒得不死。曹欽夜爲亂。公被執。已
知爲公。遂釋不害。或執欽。個人數千。俱爲逆黨。公以
欽謀逆。倉卒諸佃相去各數百里。豈得與謀。盡釋之。
上素重公名。凡游上苑。出獵。俱召公從。行禮遇甚渥。
憲廟初年。公歷九載。乞致仕。上曰。國家方倚任老成。
卿安得去。每遇少疾。上遣御醫往視。中使臨問。賜飲
餼。相望疾少間。特免公朝。叅復六年。堅乞骸骨。歸老。
上特賜寶鈔。治行進。公階榮祿大夫。公初在曹。年少
有重名。故以郎擢長外藩。以外藩特召爲尚書。俱異
數也。方官主事。時郎中仲閔爲之長。仲君心知公大
器。每舉太祖太宗朝法。比沿革。告公。且曰。陸君他日。

必大用此國家舊典當先盡心故公于律例條格無
不精晰既入掌邦憲每舉仲君所言教其屬吏見諸
曹賢者禮之若賓友其用法酷者輒嚴責之務使持
平乃已都御史寇深暴戾自用凡會鞠強斷衆莫敢
抗公徐發一言執理定罪深不覺自誦前後在刑曹
十八年尚書十五年倚任既久遂爲國家名法臣第
一公家在鑑湖晚年鶴髮曳杖逍遙十洲間爲詩弔
賀季真里居復十七年卒年八十一謚康僖其族人
世有顯者

賀監祠

春水微茫春草新
廟亭花發鳥聲頻
黃冠一曲瞻遺像
明

月三洲仰昔人故宅已憐爲傳舍做廬猶喜托芳隣年來
幸遂歸湖願爲向先生一薦蘋

遊雲門

雲門杳杳白雲間石磴重重不可攀河影倒流回北斗朝
光初動見南山一匡起霸遺封在四載分州此地還乘興
遠來登絕頂望中三島隔塵寰

○副都御史陳公濂

字德清宋文介公禾之後也少有才以進士授南刑
部主事善斷獄一如宿吏有鎮海戍卒故無賴誣衛
指揮以下數十輩不法事同獄者又代爲僞帖以證
之所連繫甚衆以屬公治公盡得其情坐告卒及爲

偽帑者法餘盡釋之以員外郎出爲廣東按察使事
轉副使巡視海道海故多大盜倚風濤山沒復阻山
其勢熾甚公身冒矢石出奇兵與戰值天雷電大作
公奮擊之賊迷潰自相殺所俘斬無算海南遂平遷
布政使未幾擢右副都御史卽撫其地時薦歲軍興
供億師旅間左蕭然公深加撫恤民藉得藉已奉命
總督漕運兼撫鳳陽公治漕書夜勤事嚴立法輸運
無後期淮故南北孔道諸豪家率俱大猾橫行公悉
裁以法又奏畱守穆盛害人事盛竟坐罪淮人快之
以丁內艱去適河南缺巡撫上謂非公不可者詔起
復公上疏力辭謂臣母服尚有一年一月餘二日未

滿臣歷官嶺外母老生不得迎養病不及鑿死不及
殮今又不得終服不孝之罪負痛入地詞義哀切上
不許公始酒泣赴官未幾改巡撫畿內上又以漕運
事重再命公往卒于道公爲人風儀秀整美髭髯中
懷坦易不爲嶮絕之行在嶺南最久政平事簡上下
安之詔賜祭葬錄其子藁爲國子生

遊雪竇寺

青山面面削芙蓉只尺猶疑千萬峯野草逢春都是藥碧
潭和雨半藏龍池開錦鏡晴波瀾路入珠林暖翠重試采
新茶尋澗水一雙玄鶴下高松

○刑部侍郎麟洲楊公茂元

字志仁生能視烈日久不眩六歲所讀書一過卽誦
客或持銅爐使作破題應聲曰范金以爲體然火以
爲用及長策名俱高等授刑部曹善執法尚書林公
聰倚以爲重凡事關會鞠俱使兼理人稱爲掌三法
司同曹主事楊仕偉以事忤注直誣坐受賄徵其贓
仕偉廉不能論同曹斂手莫敢顧公獨爲代輸且手
署日刑部主事楊茂元俸銀十兩直見之詫曰此人
大好膽氣仕偉遂得白出慮江南囚多釋寃獄後曹
錄其論奏爲式由郎中遷湖廣副使弘治二年改山
東適河決張秋公乃陳三事各一疏合上其一言天
下事任專則功成官多則民擾今河決張秋事誠至